

Եւ առաւօտուն (23 Սեպտ.) զնացաք ի ժամ, եւ կանգնեալ էին ե Չ ոգի համախօհիւք իրիցանիքն և զեկողսն ի ժամ յետ դարձուցանէին, որք միամիտ ժողովուրդք էին և որք զիտէին զնոսա և զեղեալն ո՛ր սակի գային յեկեղեցի, և բազումք զայթակղէին տեսանելով զեղեալ իրս, զի ընդ մեր յեկեղեցի ոչ մտին, այլ այնպէս կանգնեալ ի դուռն եւ զայն առնէին և ասէին վասն մեր եթէ Բանադրեալք են նոքա, մի՛ երթիցէք: Եւ մեք կանգնեալ՝ Տէր Յովանէս, Տէր Մարտիրոս, Տէր Յակոբ, Տէր Մարտիրոս, Տէր Աստուածատուր փոքր, Տէր Մարկոս և Տէր Աստուածատուր եպիսկոպոսն և այլ Բ՝ մուսաֆիր քահանայք, արարաք լի ուրախութեամբ զժամն ընդ ամենայն ժողովրդովք ի փառս Աստուծոյ: Եւ յետ ժամուն ժողովեցան ձերակոյտք և ընտիր քրիստոնեայք՝ մահտեսիք և տեղացիք Լ ոգի նստեալ և Լ Ո ևս կանգնեալ նշանաւորք, կարգացին զգրեալ թուղթն և հաւանեցան ամենեքեան. եւ եղին աթոռակալ զՀաճի Աբտուլան տեղացի, ընդ նմին և զՄուղսի Պողոսն՝ երեցփոխան, զՍատէթ պալին, ընդ նմին և զՈժճա Վարդանն. այսպէս և զայլսն, և հաւանեցան. և եպիսկոպոսն կանգնեալ օրհնեաց և Հայր մեր ասին: Եւ նոր մօհր արին իւրեանց և Թըլթըլ Ասվատուրէն ուզեցին զառաջինն և ոչ ետ մինչ յերեքշարթիս (25 Սեպտ.): Եւ զնացաք մօտ Առաջնորդն, և նստեալ էին Ղալֆան, Թըլթըլն և Պարմախսուզն. և Ղալֆան ի մէջ արկեալ թէ Մղտեսին արդար էր ի մէջ մեր, նայ յիմ վերայ զուր է ասեր. բերէ՛ք ատեան թէ երդուի զխօսքն յինէն լսելոյն: Եւ Մղտեսին ասաց. Յէ՞ր կուկանչես, ես քեզ դատախագ չեմ, ա՛յլ բանի համար եմք եկեր մեք ի տեղս: Եւ սկսաւ պառաչել և կանչել. Ես զայս քեզի չեմ թողուր, ե՛կ երգվիր: Եւ բերել ետ զԱւետարանն եւ առեալ ի ձեռաց երիցուն՝